



管窺輯要卷之四十三

六安黃 鼎玉耳父纂定

男九命簡臣

佳九錫公位

九疇倫叙

九如眉介

侄孫珮琢成


珂先鳴

桐城方兆及子詒全閱

管窺輯要 卷之四十三

九旂

八 穀



參宿論

參七星一曰參伐一曰大辰一曰天市一曰鈇鉞  
主斬刈爲天獄主殺伐又主邊城也驛故不欲其  
動也參白獸之體也其中三星橫列三將也東北  
曰左足主左將西北曰右肩主右將東北曰左足  
主後將軍西南曰右肩主偏將軍中央三小星曰  
伐天之都尉也主胡鮮卑戎狄之國故不欲其明  
七星皆明天下兵精暗則將弱伐星與參等大臣  
有謀兵起參星失色軍散敗菑角動搖有急兵起

管窺輯要

卷之四十三

二

有斬伐之事參星移客伐主也參左足入玉井兵  
起主大水主喪山石爲旌參星差戾主臣有謀月  
五星客彗守犯大兵起國有喪將軍惡之災在魏  
益之分玉井四星在參星足下主水漿以給厨玉  
井東南四星曰軍井行軍之井屏二星在軍井下  
天之屏障也天廁四星在屏東亡則貴人多病其  
下一星曰天屎常以春分日候之明潤則人無疾

參宿說

參一曰大辰一曰天市一曰鈇鉞

參七星宋志距中星西第一星去極九十二度半

其上十三尺七曜之中道宋志以爲十星者兼伐  
三小星而言之也赤道十一度十分黃道十度二  
十八分其中三大星爲中軍正中一星是大將旁  
戴星參謀也命名爲參以此俗傳參星其二肩爲  
左右將軍二足爲前後將軍合左右前後中五軍  
有命將出師之象東北曰左肩主左將西北曰右  
肩主右將東南曰左足主後將軍西南曰右足主  
偏將軍史記東南左足主上將軍大同小異黃帝  
經曰參應七將又曰七將皆明天下兵精也中三  
管窺輯要

卷之四十三

三

大星東西橫列如衡故史記云三星直者是爲衡  
石所以平理也爲天獄甘氏曰參爲忠良孝謹之  
子明大則臣忠子孝安則吉移動則殺忠臣若戾  
則王臣二心一曰天鉞主斬刈殺伐一曰天市又  
主邊城爲九譯故不欲動若芒角張邊候有急失  
色則軍散敗一曰參伐一曰大辰公羊傳曰大火  
爲大辰北辰爲大辰參亦爲大辰蓋心與參伐天  
所以示民時早晚天下所正故皆謂之大辰參左  
右肩股四星爲實沉之神左足入玉井中兵大起

秦地大水及喪參足若突出玉井則虎狼暴害參  
星搖主風伐乃參下中央斜列三小星大將之柄  
主大司馬九伐之法以正邦國者也史記云三星  
鏡曰罰天之都尉孟康云上小下大故曰鏡晉灼  
曰三星小斜列無鏡形主斬刈又主胡貊鮮卑之  
國故不欲明若伐星明與參等則大臣謀亂夷狄  
內戰

斗牛爲河之首參畢爲河之尾首在北方若夏則  
河首轉在南而畢參反在北矣正月初八夜看參  
管窺輯要

卷之四十三

四

星卜一歲之水旱若參過月西多旱太白晝見魏  
有兵喪金火合魏地君死金火守國易政兵起日  
月食田荒米貴石氏曰鎮守國多土功巫咸曰火  
守多火海中占曰多旱金火守之國有叛臣郗萌  
曰以攻戰伐國又曰歲守之皇后災  
玉井四星在參西右足下主水泉給厨用乃水象  
也

軍井四星在玉井東下乃行軍之井所以給司馬  
也故曰軍井未達將不言渴取此義也不見則軍

中無水又主軍營之事

屏二星在軍井南爲屏風所以蔽廁不見則國內寢疾客星入之四足蟲大疾人亦多死

天廁四星在屏東北參左足下主溷也其占黃色吉青赤白皆凶不見則國內寢疾

天屎一星在天廁南史記云廁下一星曰天矢矢黃則吉青白黑凶

參宿主殺伐度十一度一十分內三尺爲黃道餘見觜宿下

管窺輯要

卷之四十三

五

參宿歌

總有七星觜相侵兩肩雙足三爲心伐有二星足裏深玉井四星右足陰屏星兩扇井南襟軍井四星屏上吟左足四星天廁名廁下一星天屎沉

參宿考

伐三星居參腹爲斬刈之事天之神尉也主胡鮮畢戎狄之國○玉井四星在參右足下主水泉給廁○屏二星在玉井南爲屏以障廁主疾病○軍井四星在玉井東南軍中之井也主給軍用又主

水旱○天廁四星在屏星東溷也主疾病也○天屎一星在廁南主司吉凶

參七星一曰參伐一曰大辰一曰天市一曰鉄鉞主斬殺布威嚴又爲忠良孝謹之子明大則臣忠子孝移動殺忠臣又主權衡所以平理中三星橫列三將東北左肩主左將右肩主右將左足主後將軍右足主偏將軍故占曰參應七將皆明則兵精

伐三星斜列在參之中天之都尉主胡鮮卑戎狄

管窺輒覈 卷之四十三

六

之國故不欲其明明則大臣謀起兵詩曰蒙伐有苑主蔽矢石之事玩占曰伐爲參尾主金革斬伐之事

玉井四星在參西南主水泉經曰玉井通於水經移動有水災

軍井四星在玉井南主征戰汲飲之事移動兵起屏星二星在軍井南經曰廁咎於圖豫讓入廁以昭忠也

屎一星在廁下大玄糞以肥兵主資五穀經曰廉

頗遺屎以取謗也

參十星九度距參日西端第一星去極九十四度  
少在黃道外一十三度半木星也春夏爲火秋冬  
爲水一曰參伐一曰大辰一曰天市鎮主斬劉爲  
天獄主殺伐又主權衡所以平理也又主邊城爲  
九譯故不欲其動也參者白虎之體其三星橫列  
三將也東北肩主左將西北肩主右將東南曰左  
足主偏將軍西南曰右足主後將軍故黃帝占參  
應七將中三小星曰代天之都尉也主胡鮮卑戎

管窺輯要

卷之四十三

七

敵之國故不欲明七將皆明大天下兵精王道缺  
則芒角張伐星明與參等大臣皆誅兵起參星失  
色軍敗散參芒角動擺有急兵起人主斬伐之事  
參星移客伐主參左足入玉井中兵起秦大水若  
有喪山石爲恠出玉井中國失地小暗凶參星無  
戾王臣一心左肩一名大人星蒼色芒角天下兵  
起并若遠足虎狼害人星暗國君欲敗一云軍敗  
散芒角張赤耀橫射三軍駭動芒自射甲兵將出  
○日食參中大臣相謀殺而兵起○木守之歲大

疫人流亾○火守之兵起四方不安有赦○火入  
之百日天子以火爲憂○土守之大臣出國有急  
兵臣謀逆○金守之大臣亂軍大戰○水守之國  
內兵起大水沒城郭○彗孛行犯兵起大破敗○  
日月食參中主兵之將凶其志曰北三入數日

曰六參宿總叙

參七星伐三星參七星爲虎身伐爲虎尾背爲首  
共爲白虎主西方參一曰大辰一曰天市一曰中  
龍金星也一曰鉄鉞主斬刈乘威刑罰又爲天獄  
管窺輯要

卷之四十三

八

主殺伐又主邊城九譯及鮮卑夷狄之國參七星  
爲七將軍其中三星橫列爲衡主平理前二大星  
曰左右股爲之左右肩爲左右前將軍後大二星  
曰左右足爲偏將軍左右足爲後將軍中三星爲  
三將軍也七星皆主邊兵其左肩北三尺爲日月  
五星中道七星皆明則天下兵精暗小則暗弱色  
角大張赤輝旁射則三軍駭動天子躬甲自將出  
征搖動則邊地有急無光則國欲改君參差不常  
則君任不忠臣有外謀明大而動則大將執權天

下易政就聚則天下大將有誅細微則天下精其少離徒則大將逐伯從則天下刑急參左足應在玉井中虎性暴怒左足下有井動則陷之以節其勢故爲之陷足虎不得妄動以天下無兵若足出井外便得縱逸則天下之兵大起

參七星不具則國亾地失色則軍敗散中星差而南則胡入塞復正則胡人退星移則容伐主人參兩肩外明而大則兵內強左股亾則東南方不可舉兵右股亾則西北方不可舉兵參左足入玉井

管窺輯要

卷之四十三

九

則兵大起天下大水若有喪山石爲怪若突出玉井則狼爲暴害其中星差南北胡人北參四足有進者則將出有功有退者無功進者移而北退者移而南也甘氏曰參爲忠良孝順之星明大則臣忠子孝移動改常則忠臣受枉伐主斬刈星不明又與參等則大臣謀君星大則兵起疎折則法令施就聚則刑罰急動則有斬伐之事移南則胡人入塞移北則胡人出塞角則諸侯之官排門閤角動則黃芑則天下滅常以夏三月視參四足進前

則兵起退後則兵罷又視參前兩星搖動則兵起  
天子有憂守常則吉

日月變異占

日在參食大臣憂殺其子兵起感精符曰大臣憂  
近臣自相戮以外勝內遠國強甘氏曰戒之在將  
帥師之臣一曰大旱人食草木巫咸曰晉國有  
其君凶其分有拔城大戰又曰田荒米貴○日暈  
於參黃畢國邊兵出將軍憂一曰大飢○日暈在  
參如鼎蓋外國有來和親者

管窺輯要

卷之四十三

十

月 在參食其分大飢臣有謀天文錄曰兵在外大  
將死其國憂天下更令一曰其分大兵田荒米貴  
石氏曰大旱赤地千里乙巳占曰主兵之臣當黜  
○月暈參伐郝萌曰不出歲中天下亂其國兵弱  
戰不勝地震人主有殃荆州占曰其國客軍大恐  
郝萌曰有赦暈二星小赦暈三星大赦衡爲期石  
氏曰將軍死貴人多誅者○月暈正之有兵潰暈  
兵大起軍在則大戰月以十一月十二月月暈參  
其歲虎狼羣出爲害甘氏曰月以正月暈參伐不

出三旬兵起以憂四月暈參及井凌霜至日以十  
二月正月暈伐十四日暈參爲大人憂月以正月  
暈伐二夜不出二旬兵起○月在參有變邊兵急  
百姓食葆旅○月宿參伐有風雨  
八月 月五星干犯占

月犯參伐有兵事驚城堡海中占曰國有憂邠萌  
曰軍在外將死武氏曰貴臣憂大旱飢人相食○  
月乘犯參左肩左將軍戰死犯右肩右將軍戰死  
犯中星大將戰死犯伐小將戰死○月食參伐星  
管窺輯要

卷之四十三

十一

兵起有戰將死黃帝占曰月食參貴人誅天下大  
飢大旱人相食兵大起○月犯乘參右肩石氏曰  
五穀熟

歲星守參大疫王者有疾人民流散改立國君石  
氏曰國有反者五穀更貴一曰王后惡之一曰有  
大兵天下農不耕荆州占曰多雨歲惡巫咸曰萬  
物不成民大飢海中占曰多盜賊高田貴下田賤  
其年草木多腐一曰晚稼不成○木犯參石氏曰  
水不時旱有兵喪甘氏曰歲大疫巫咸曰大飢○

木入參犯守之其國以兵致天下一曰天下有兵  
驚追而守之士卒離散五穀貴一曰木火爲交○  
木守參爲赤星出參中邊大兵起○木入參守伐  
天下有兵○木入守參荊州占曰七日以上至七  
十日天子欲出他國不出百八十日○木逆行參  
其君誅伐不當郝萌曰木逆行參畱心衡中兵起  
○木金參若守之黃帝占曰水居參東君伐東天  
下多走民多暴兩處參北若伐北多冲水處參西  
若伐南爲易君一曰大人有寒疾之憂參北國易

管窺輯要

卷之四十三

十一

相處參東若伐東晚稼不成處參西若伐西產婦  
多死老人多死荊州占曰木處參所道者是王者  
所欲封期一年木金參處若伐有反臣中兵起

熒惑守參外兵入一曰四方不安有赦期三十日  
若久守之五十日不下天下必大有憂有改政秦  
地大凶一曰財物貴大旱猪羊並死巫咸曰火守  
參星五穀不成黃帝占曰多霜多雹荊州占曰鉄  
鉞用石氏曰天下兵起秦地疾布帛貴守五日米

暴貴守之滿六十日宮中有戰一曰兵有千里之

行牛馬多死石氏曰大軍反天子之破軍五穀大  
貴人相食○火以夏四月守參金錢乏王者徙居  
五月守之大臣有下獄者郗萌曰火守參足下五  
日米貴暴賤二十日以上大賤三十日有赦天下  
金貴○火犯參黃帝占曰大將及四方相射王者  
轉徙宮室兵大相連石氏曰兵起大戰○火入參  
主威廢郗萌曰留之一日相死二日后死三日人  
主死一曰君國失市○火入參而守之二十日以  
上兵起於野將軍出戰死一曰有石隕於野石所

管窺輯要

卷之四十三

三

墜有反者○火守伐陳卓曰天下更政朔海中占  
曰守五日人主忌之一曰火入伐有兵戰守之五  
日大將死○火舍伐不出三旬有大赦○火逆行  
至參將軍有下獄者○火逆行至參而畱守之正  
衡中兵起○火逆行入參成勾巳天失度天下大  
亂若環繞之有大喪主命者惡之期一年遠三年  
○火逆入參中又有餓死國君若戮死者○火與  
參同出有戮臣○火與客星同見參中天子更改

大國之君爲臣所謀

鎮星守參大臣出國使好人爲逆一日有邊兵天下治城石氏曰天下有大喪海中占曰其下君破國亾一日后夫人當之一曰大臣出使有外兵○土守參若入之行陰爲水災五穀不成民流亾○土星角動赤黑色觸參中星臣殺其君○土犯參石氏曰國有反者郝萌曰奸臣謀上○土逆行畱止參衡中主大兵○土舍參出入畱止西官候曰天下治城郭修文備武郝萌曰高田賤下田貴太白守參大臣爲亂石氏曰有反兵天子兵破牛

管窺輯要

卷之四十三

酉

馬有急行郝萌曰米貴國大危甘氏曰將軍出外邊兵大戰海中占曰大水西方尤甚一日爲旱火之災王者失位國易政一日有伐國○太白守伐星尉若將軍凶○太白犯參天下兵起軍敗曰邊兵起石氏曰有亂臣西官候曰金犯參右肩右將軍大戰憂犯左肩左將軍大戰憂亦爲大臣有憂太公決事占曰太白犯參右股戰不勝將軍死犯左股戰大勝○太白抵參出入荊州占曰兵大起天下驚○太白逆行參若畱止衡中兵大起○太

白出入畱舍參名將死天下大飢亂兵起而不用  
人民流亾不居其鄉不出其年穀皆空○太白入  
參外兵起流之三十日天子有喪○太白犯守伐  
大臣爲亂兵東大伐有急令○太白宿伐有反臣  
中兵起

辰星守參國易政更法令邊兵起大戰有水災五  
穀不成有反臣石氏曰天下不可舉兵動衆一曰  
有赦○水星守犯有內亂中兵起尉當之有反臣  
一曰后夫人當之一曰邊兵起○水星移而南胡

管窺輯要

卷之四十三

五

入塞移而北胡出塞○水入伐兵起出其南胡入  
出其北胡出○水犯參若乘之甘氏曰貴臣黜一  
曰國有水兵○水出參天子不可用兵動衆必有  
反臣○水出參中邊地有兵○水與參出西方天  
文志曰爲旱大臣誅○水逆行畱止參兵起外夷  
狄侵入邊將憂○水入參而起之兵起有叛邑先  
起者亾後起者昌○水入參色青黑不出其年兵  
起○水宿伐有反臣

客星守參邊州亾地石氏曰敗國歲飢郝萌曰有  
兵臣執主令有奸臣女色惑天子老人多死馬貴  
一曰有易君白爲死赤爲兵青黑爲憂疾黃以善  
伐一曰旱米貴石氏曰客星守參魏地多君子○  
客星出參外邊入兵城圍有戰不出二年甘氏曰  
有亾地馬貴郝萌曰大臣憂星多則以數言人數  
赤星出參石氏曰武卒用若守之嫡勝相距○客  
星入參邊有暴兵圍城夏氏曰穀貴一曰諸侯國  
當之一曰有衡石事郝萌曰宮有自殺者入其陽  
管窺輯要

卷之四十三

六

男子陰爲女子○客星入伐有兵亾傷色青黑縣  
令有賜一曰入伐有斬刈之事於外○客星守伐  
大臣有誅者○客星合伐色黑爲水白喪赤兵青  
憂黃爲土工○客星入參鉞兵出入流星入參  
兵起國亂

飛星入參外悉發一曰蠻夷使來郝萌曰邊城破  
圍天文錄曰先起者亾一曰有衡石事於國內亾  
已占曰色青黑不出期年兵起○流星入參左五  
穀貴入右五穀熟○流星入參兵大出一曰有衡

石事於外國○流星出南門利參不出十年若六年有一國無天下南門井也○赤星抵參至伐而止有外兵來伐客軍勝○流星犯參邊兵大起春夏犯名將死秋冬犯猛將用○流星犯玉井天下流血成川

彗字出參伐甘氏曰大臣反蔽地天子躬甲弓弩恒張皇后憂缺鉞用天子改政期三年遠五年○彗字犯伐國主亾邊兵大散

雲氣干犯占

管窺輯要

卷之四十三

七

蒼白雲氣入參臣爲亂○蒼白雲氣出參而環繞參天子自將兵巡方○蒼白雲氣入參伐大將憂有斬刈之事○蒼白氣入參邊境有憂○赤雲氣入參內兵起將軍爲亂誅○赤雲氣如波揚入參邊城倉庫焚○赤氣出參中央邊兵大起○赤氣入伐有斬刈將軍憂○黑氣入參大水將軍死氣銳如鋒大人當之○黑氣出參有兵有水災將軍○黑氣出伐以水伐國○白氣入參天下困兵一曰天子○黃氣入參大將受賜○黃氣出

伐將軍

參宿去極度數考

按參宿本位居申次晉魏之分凡十一度○五月旦在卯六月旦在辰七月旦在巳八月旦在午九月旦在未十月旦在申十一月旦在酉十月昏在卯十一月昏在辰十二月昏在巳正月昏在午二月昏在未三月昏在申四月昏在酉

參七星十一度距西中心第一星去極九十二度半入參初度甘德云參為忠良孝謹子一日參伐

管窺輯要

卷之四十三

六

一曰大辰一曰天市一曰鉞鉞主斬刈鐵鉞

解見前

刈殺也又為天獄主殺伐又主權衡以平準

解見前

又主邊城為九譯譯知四方言者又曰譯傳言也

周禮秋官司寇有象胥傳四夷言東方曰寄南方

曰象西方曰狄鞮北方曰譯越裳氏重九譯來貢

於周北譯重九國之言也象為百獸王體其中三

星橫列三將也東北左肩主左將西北右肩主右

將東南曰左足主後將軍西南曰右足主偏將軍

故黃帝占參以應七將黃帝軒轅氏也凡用兵必

占參七將卽上文所謂左將右將前將後將中將  
偏將先鋒將

占曰參七星皆主邊將也左肩三尺乃日月五星  
中道七星皆明則天下兵強將勇昏暗則將怯兵  
弱芒角赤灼則三軍駭動天子躬環甲冑自將兵  
搖動邊臣緊急不見國易政參差奸臣謀外就聚  
則大將憂移徙則大將黜參左足應在玉井中虎  
性暴急足下有井動則陷以節其勢謂之陷足虎  
不得妄動是以天下無兵若足在井外使掠繼逸

管窺輯要

卷之四十三

九

天下兵起參星不具則兵失變色軍敗散中星差  
明兵入塞復正胡人退參兩肩外明外兵強內明  
內兵強左股凸則南方東方不可舉兵右股凸則  
西方北方不可舉兵參左足入井兵起出井虎狼  
爲害中星差胡人寇塞參四足有進者將出有功  
有退者將出無功進者北移退者南移甘德云參  
爲忠孝子星明大則臣忠子孝移徙則忠良受枉  
伐主斯刈星不欲明明則臣謀奸主兵起踈折法  
令弛就聚刑法急移南則胡人出塞伐星芒角則

諸侯排闥三月視參四星進前則兵起退則兵罷  
又視參前兩星動搖兵起日食在參大臣憂日食  
在參臣下有謀后妃憂大飢米貴月宿參有風雨  
月犯參有兵金火守兵凶戰危土守邊地土功水  
守狄侵邊孛守奸臣謀叛天子躬甲冑

伐三小星距中星去極九十五度入參三度半在  
參中天之都尉主胡鮮卑戎狄國天官書云參下  
有三星銳曰罰孟康曰罰在參間上小下大故曰  
銳晉灼曰三星少斜列無銳形爲斬刈事正義云  
管窺輯要

卷之四十三

三

罰亦作伐漢武帝元鼎三年初置三都尉以象之  
一奉車都尉掌乘輿車二附馬都尉掌車駕副馬  
曰附馬近也疾也三都尉本監羽林騎

古曰伐星不欲明明天下苦兵王道有缺芒角搖  
動兵起金火守有征討事

玉井四星距西北去極九十八度入畢十一度在  
參西右足下水象主水泉給厨用淳風云主水漿

給厨

占曰玉井明水清潔

屏星二星距西去極一百一十五度入畢十三度  
半在玉井南爲屏風蔽則星一曰天屏障壅天廁  
前解見

占曰屏星居常吉入客守國不安不見國內寢疾  
軍井四黑星距西南去極一百零五度半入畢十  
四度在屏星上行軍之井以給軍師水漿古語云  
軍井未達將不言渴正謂此漱清考耿恭守疏鄯  
城被圍穿井十五丈無水恭乃向井拜飛泉湧出  
是行兵軍井不可少者所以上應天星

管窺輯要

卷之四十三

三

占缺

廁四星距西北去極一百一十度半入參二度在  
屏星東爲圓溷主天下疾病一曰天廁濁汚處

占曰廁如常吉赤白天下多疾疫彗孛守防刺客  
尿星一星去極一百一十度入參二度在廁下主  
糞穢一曰天尿漱清考天尿二字覺謬尿則尿何  
曰天尿加天字爲謬甚

占缺

玉井四星在參右足下水官也主水泉給厨其星  
微小如常則陰陽和五穀成明大動搖則大水天  
下飢五星入玉井強國失地出之強國復得地一  
曰天下大水國有水憂若水敗水物不成○客星  
入玉井強國失地天下有喪入守之三日其歲大  
水○客星出玉井強國得地將軍出軍出爲憂有  
水敗○流星入井中強國失地出之強國得地有  
大水○流星入玉井其年大水以星小大遲速言  
之○流星入玉井國以水爲憂出之大水溢或曰  
出之將出○彗星出玉井兵大出強國失地○彗  
星守玉井天下大水河海溢民多死於水○赤氣  
從參下入玉井中不出三年井水不可飲○黃氣  
入玉井三日不出軍在外絕水○白氣入玉井兵  
起○赤黃潤澤入玉井有軍來降

軍井四星在玉井南軍之井也主給軍爨又主水  
旱軍井星動搖則大水○月入軍井兵起○五星

入軍井其年大水國多土功○客星守軍井以水  
爲憂客星入守軍井天下水

### 屏星

屏星二星在玉井南爲屏風以障廁主疾病星不  
明則天子寢疾不具則天下人多疾病○五星守  
天屏臣謀君貴人有誅死者○火星守天屏三日  
民疾疫守二十日國移○客星守天屏四足蟲大  
疫民多病○客星出天屏民多病輔臣有憂出入  
守犯天屏皆爲疾病○流星入天屏若犯之皆爲

### 管窺輯要

### 卷之四十三

三

人多病死執法官有戮者○流星彗孛出天屏大  
臣有誅者國有憂民疾病有徙國黑氣入天屏大  
疫

### 天廁

天廁四星在天屏東溷也主天下疾病其星色黃  
而明則吉蒼黑色則人主有腰下之疾不具則貴  
人多病若有陷廁之憂凶不見天子有病天下人  
疫○五星入守天廁天下大飢人相食死者大半

○木星入守天廁大臣有戮者○火星入守天廁

廁中有賊國移○客星入守天廁天下大飢人相  
食民去其鄉君子賣衣小人賣兒主病帶下病起  
一曰水大出○黃白星人天廁天子喜奇物見○  
青星入天廁人主死黑星入天廁人主死○蒼白  
星入天廁天子有陰病赤星入天廁有囚兵○流  
星入天廁大飢人相食大水有兵○客星入天廁  
若守之王者憂廁中有謀天子防陷廁○周伯星  
入天廁糴賤有餘粟○老子星入天廁天下大飢  
○彗孛出天廁大人有憂若廁中有伏兵欲害主

管窺輯要

卷之四十三

音

者青雲氣出入天廁內兵起彗孛出天廁天子有  
陰病○黑氣入天廁天子憂白氣入天廁天子陰  
病赤氣入天廁有兵起雲氣出天廁則禍除○黃  
白氣入天廁皆有喜

天尿

天尿一星在天廁南主候吉凶色黃則吉色青白  
黑皆有憂天尿明萬物有命星微則萬物不昌不  
見則人多死一曰天尿黑大人死常以春分日候  
之色黃潤而明則人無疾天子憂若青黑色則國

飢人病腹疾多死○五星守天屎大人有疾天下  
飢人多死○火星守天尿天下旱○客星彗孛出  
天尿若守犯之大人病腹死天下人流多死○流  
星入天尿若抵之天下飢民多病死

### 伐星

伐三星在參中天之都尉也不欲明明則有斬伐  
之事伐星疎法令縱明與參等大臣有謀兵起○  
月犯伐星貴臣憂○木星犯伐星兵起○火星犯  
伐星有赦○金星犯守伐星大臣爲亂車騎困○  
管窺輯要

### 卷之四十三

五

客星犯守伐星大臣誅邊兵敗  
西方七宿祿座

附路乃閭道之便路天濶乃參養之穢所外屏所  
以遮天濶而障臭穢天倉所以待邦用而藏五穀  
土司空乃功利之官鉄鑽乃芟刈之具左更主仁  
智而爲山虞右更主禮義而爲師牧軍之南門禁  
出入以防奸天大將軍爲用軍兵而主武御廩之  
處爲天廩積穀之所爲天廩陰密潛謀乎天陰陵  
墓死喪今大陵積尸陵中之墓天阿察候山林積

水候水之災異天船主舟楫之津芻藁主積芻藁  
天園以給棗盛天苑今牧養禽獸天園今園囿蔬  
珍月星后臣之別天街夷夏之分礪石礪百工之  
器天讒主讒說之人言語樞機兮卷舌持節奉使  
今天節參旗天子之兵旗天高觀雲之臺榭諸王  
爲王室之籓屏車柱乃天子之車舍天潢津渡河  
梁咸池陂澤魚鱉殊口傳譯也遠方通俗九旂威  
旗也不虞乃滅玉井主水泉而及厨用軍井及師  
旅而奉軍營天屏障墜天厠天厠積穢溷園子孫  
管窺輯要

卷之四十三

美

主孝愛而侍老者丈人主壽考而哀孤窮座旌爲  
旌表尊卑天關主關防邊境司恠史臣也言語災  
變水府水官也隄防波湧



南方七宿總論

南方七星共五十九星其屬連太尊四十座共一百八十七星其精朱鳥井爲首鬼爲目柳爲喙星爲頸張爲喙翼爲翮軫爲尾王奕曰朱鳥其以羽蟲之長稱而曰鶉首鶉火鶉尾何也師曠會經鶉鳳也青鳳謂之鶉赤鳳謂之鶉白鳳謂之鶉紫鳳謂之鶉蓋鳳生於丹穴鶉又鳳之赤者故南方七宿取象焉吳興沈氏以朱鳥爲丹鶉豈知四獸皆蟲之長也鶉之微何與焉俗傳井爲天井鬼爲天管窺輯要

卷之四十四

二

井宿論

東井八星天之南門也黃道所經天之亭候主水衡事法令所以和平也王者用法平則星明而端列月五星孛彗守犯主兵主水秦分災鉞一星不欲其明明與井同主大臣用鉞月宿東井有風雨南四星曰水府主水官也井南垣四星四瀆江淮河濟之精也狼一星在井南狼爲野將主侵掠色有常不欲其動動則野有侵掠兵起狼角變色多

賊盜弧矢九星在狼東南天弓也主備盜賊常向於狼弧星動搖不如常者盜賊胡兵起弧星張則胡兵靖天下定亂故曰天弓張天下無兵老人一星在弧南二曰南極以秋分朝見於丙春分夕沒於丁主壽昌常以秋分日候之於南郊見則治安不見則兵起子孫各三星在老人之西丈人二星在子星西國之老臣也南河北河各三星分夾東井一曰天高天之關門也主關梁南河曰南戒一曰南宮一曰陽門一曰越門一曰權星主火北河

管窺輯要

卷之四十四

二

曰北戒一曰北宮一曰陰關一曰胡門一曰衡星主水兩河戒間五星日月之常道也南戒動搖則中國與越兵起北則胡兵起兩戒無動兩國兵寧月五星各彗守犯並主兵起五諸侯五星在東井北主刺舉不虞理陰陽察得失主帝心一曰帝師二曰帝友三曰三公四曰博十五曰太史此五者爲帝之謀議星明大潤澤平治天下芒角則禍在其中五諸侯南二星曰天樽主盛飲食以給貧饑也積水一星在北河之東北水聚也所以供酒食

之正也積薪一星在積水兩庖厨之正也水位四星在積水東南水衡也客星水火犯之百川流溢闕丘二星在河西南變動則主宮闕之警軍市十三星如錢狀市中星多則軍食足野雞一星在軍市中知變怪又曰野雞野將也主兵

### 井宿說

井八星宋志距西扇北第一星去極六十九度赤道三十三度三十分自九度十八分四十七秒入

管窺輔翼

卷之四十四

四

秒入未日月五星貫之爲中道石氏謂之東井以其在玉井之東也亦曰天井入河中主水衡法令中平之事物之平莫如水故管國制城畫野分州皆取象焉王者用法平則井明而端列月離于井有風雨之應中有六星不欲大明明卽水災井爲朱鳥之冠故盧仝詩云頭戴井冠晉灼東井主水事火入一星透其傍天子且以火敗故曰禍成井郝萌曰流星入度所主之國火水木金水聚則中外兵連彗見七旬王者當之五旬相當之三旬兵

當之木守有土工一曰大水或兵起鎮在井下則  
水出流人太白守五穀不成客星犯則大臣誅五  
星及客星守皆主水石氏云主旱太白晝見臣強  
秦有兵太白入一日以上占應在五年太白逆行  
入之國失政大臣亂鎮入大臣憂鎮近距星主水  
月犯距星有兵有赦一曰將死月掩南扇西頭第  
三星秦有兵將死又主諸侯帝戚三公之位故明  
大則封侯張衡云天之南門也黃道所經爲天之  
亭環又主酒食又爲女主象芒角日月食五星逆

管窺輯要

卷之四十四

五

犯大臣謀亂兵起

鉞一星在井之前不附于井自爲一座星王應電  
作附於井主伺奢淫而斬之故不欲明大若明大  
與莽齊或動搖則天子用鉞於大臣故史記曰傷  
戒鉞

五諸侯在井東北近北河主刺舉戒不虞亦曰主  
帝心一曰帝師二曰帝友三曰三公四曰博士五  
曰太史又曰五大夫此五者常爲帝定疑議張衡  
曰治陰陽察得失明而潤澤大小齊等則天下大

治不明則上下相猜忠臣不用芒角則禍在中國  
又曰赤則豐暗則荒王應電云畿外諸侯皆聖王  
建國以養民者也故列井之上一作帝戚搖動失  
色則貴戚廢三公受殃諸侯戮

南河北河各三星分夾東井天之闕門南河曰南  
飛一曰南宮一曰越門一曰陽戶自弘農函谷絕  
江漢達嶺循漳東抵越雋東旣以爲南紀爲陽國  
主禮樂之政北河曰北戒一曰北宮二曰胡門一  
曰陰戶自壺口北負微垣東抵穢貊朝鮮以爲北

管窺輯要

卷之四十四

六

紀爲陰國主攻伐之政地理有南北二絡于此微  
矣南界限蠻夷北界限戎狄兩界門三星之常道  
也又曰南河曰權星主火北河曰衡星主水星經  
云兩河六星知逆邪謂其知關梁之限故知邪僞  
也南星不見則南道不通北星不見則北道阻遏  
河戒動搖中國兵起史記火守南北河兵起穀不  
登

天樽三星在五諸侯南王盛饘粥以給酒食之正  
也張衡云盛饘粥以給貧餒則亦養民之事明則

豐暗則荒或謂暗吉後天卦位坤居西南萬物皆  
致養焉故曰井養而不窮也養莫大於愛老恤孤  
則貧者皆有所養矣

積水一星在河北以給烹飪供酒食之用不見爲  
災又主候水旱  
積薪在積水東以備庖厨之用明則人主康徵則  
災火守則大旱

水府四星在井西南水官也主隄防溝洫之事占  
與水位同動搖有大水

管窺輯要

卷之四十四

七

水位四星在井東主水衡巫咸曰水位四星瀉溢  
流若移動近北河則國沒爲江河大水及客星犯  
守則百川盈溢

四瀆四星在井南軒轅東北江淮河濟之精明大  
則水泛溢六府之中水居其先王政之所至重也  
故周禮川則有衡澤則有虞溝洫則有匠人故凡  
麗于天者若四瀆咸池之類皆虞衡之所職水府  
羅堰九坎天淵之類皆匠人之所職歟

軍市十三星在參東南如錢狀行軍貿易之市使

有無通也動搖或變色及客星或金火守皆主軍  
大飢

野雞精一星在軍市中主知物價察奸慝賈人也  
野雞不附軍市雞自守其所司也  
芑角搖動爲兵  
災移出軍市諸侯兵起一曰主察變恠

關丘二星在南河東主宮門外象魏天子之雙闕  
諸侯之兩觀也金火守之兵戰闕下

丈人二星在軍市西南主壽考而哀孤窮不見則  
臣下之情不得上達

管窺輯要

卷之四十四

八

子二星在丈人東主孝愛以侍丈人之側相扶而  
居不見爲灾守常則無咎明則子孫昌

孫二星在子之東占與子同

狼一星在井東南爲野將主殺掠相侵若芑角變  
色多盜賊作胡兵起人相食躁則人主不靜不居  
其宮馳騁天下張衡云居非其處則人相食色黃  
白而明則吉黑凶赤芑角則兵起金火守亦然

彘矢九星在狼東天弓也矢得以附彘矢一人執  
之耳常擬射狼正義曰矢不直狼則多盜張衡云

異時則天下兵起動移則多盜賊明則兵火起狼  
星犯天下盡兵主與臣相謀匹角張則兵起

老人一星在弧南宋志云去極一百四十三度入  
井宿三度所以占大人壽考者也南極常以秋分  
之日見於丙春分之夕没于丁常以秋分時候之  
于南郊明大則人主有壽天下治安不見則兵起  
蓋北極在丑艮故南極在未坤南極入地三十六  
度不可得而見也故其精神出以見乎南謂之南  
郊老人然其出地亦不甚遠故隱見不常見則治  
管窺輯要 卷之四十四 九

安其勢位等威蓋與中斗相埒以軸上帝故在井  
分井不得而司之也唐志開元十二年測影使者  
大相元太云交州望極纔出地二十餘度以八月  
自海中南望老人星殊高老人星下環星燦然其  
明大者甚衆圖所不載莫辨其名大約去南極二  
十度以上其星皆見乃古渾天家以爲常没地中  
依而不見之所也馬一龍云今南海之濱爛爛煌  
煌森列上下皆三家之所未明者

井宿主水府度三十五度三十分中間爲黃道初

井九度外未柳四度內於辰爲未於辰爲秦於野  
雍雍州賦鶉首秦雍井之與鬼東井當洛之西北  
邠西夏之邦與鬼當洛之西南盡巴蜀漢中之  
地二月在派昏中西五月爲太陽躔次

### 井宿歌

八星橫列河中靜一星名鉞井邊安兩河各三南  
北正天罇二星井上頭罇上橫列五諸侯侯土北  
河西積水頭覓積薪東畔是鉞下四星各水府水  
位東邊四星序四瀆橫列南河裏南河下頭是軍  
管窺輯要 卷之四十四 十

### 井宿考

鉞一星附於井足前第一星邊去二寸主司滌慾  
而行斬斷南河各三星分夾東井天之關門主關  
梁南河曰南界北河曰北界南界以限蠻夷北界  
以限戎狄○天罇三星在井北五諸侯南主盛饒

滿以給貧餒○諸侯五星在東井東北近北河主  
刺舉戒不虞理陰陽余得失又主扶顛持危發奸  
摘伏○積水一星在北河西主聚美水以給天子  
酒官○積薪一星在北河東主聚薪以給享祭供  
庖厨○水府四星在東井西南鉞星下主後隄防  
以備水○水位四星在井東南至水衡以洩滯溢  
○四瀆四星在東井南軒轅之西江淮河濟之精  
也○軍市十三星如錢狀在參東南天軍貿易之  
市○野雞一星在軍市中主知怪變伏奸虞又曰  
管輅輯要 卷之四十四 七  
野雞大將主屯營號令警急防備○丈人二星在  
軍市南國家之老臣○子二星在丈人東○孫二  
星在子星東所以侍丈人而扶持之○闕丘二星  
在南河南天子之象魏○天狼一星在南河東南  
主侵掠一曰夷將主南夷主盜賊○弧矢九星在  
狼東南天子之弧矢也以備盜賊狼爲奸寇弧司  
其非故常淫矢以向○老人

老人主壽考秋分之

星主水泉亦爲天之

令之所取平也石氏謂

歲三公之位明大則封侯

月臨主雨五星犯大臣謀亂火

又曰用法平則井星明而端烈

星一星在井西主征討驕奢之事明大與井齊

國臣誅兵起

水府四星在鉞南經曰水府司乎百川移動則百

川盈溢

管窺輯要

卷之四十四

七

四瀆四星江淮河漢也在井南主天上疏機積遠  
之事明動則泛濫

水位四星在天罇之南主防浸溢與水府同占

南河三星在水位南北河三星在五諸侯北俱天

大腸也經曰天河瀉流而迅奔又云南河主火北

河主水動則旱澇不均

闕丘二星在四瀆南經曰闕丘擬於兩觀

軍市十三星在闕丘西南主天軍貨易之事經曰

軍市通貨易聚主將天守大亂

野雞一星在軍市之內經曰野雞俟兵而據市主  
變恠甚動兵起

狼一星在軍市東經曰狼援戈而野戰又云狼爲  
野將主侵掠也移動胡兵起

彖矢九星在狼星東南天之弓矢也主備盜賊經  
曰彖矢屬矢而承天移動盜賊盛

老人一星在狼星南一曰南極主長命之事常以  
秋分之旦見於丙春分之夕沒於丁經曰老人作  
主明大人主有壽

管窺輯要

卷之四十四

三

子二星在孫之西主天帝及天神之胤子

孫二星在狼之西南主天帝及天神之雲仍子孫  
二星侍丈人之側不見爲災

丈人二星在子之西主壽經曰丈人督農而夜懸  
天鐔三星在井東經曰天尊莫饑而翁集

積薪一星在天鐔東經曰積薪備牲庖之給明吉  
久守旱

五諸侯五星在井北經曰五諸侯擬議而衡立主

理陰陽察得失明吉

積水一星在北河之北經曰積水醞燕酌之勞主  
供酒用不見爲殃

井八星鉞一星三十度距井南股西第一星去極  
六十五度半在黃道內少水星也春夏爲火秋冬  
爲水南方之宿爲朱雀天之南門黃道之所經也  
天之處候畫水衡事法令所取平也主用法平則  
井星明而端列動則火起一曰有水災明大有風  
雨海決不明差戾國弱亂政○鉞一星附井之前  
何濠奢而斬之故不欲明其明與井齊則用鉞於

管窺輯要

卷之四十四

四

大臣井宿之有風雨日月五星皆應其中過不應  
雷之守之雷守皆凶○日食井中大臣有謀月行  
逆北北夷亂大飢兵起水灾行近東南南變天亂  
旱○木守之王者急多獄事若守二十日已上天  
下更改有土工水灾人飢火守之貴臣相戮守二  
十日已上宮變火五月六月有水灾魚行人道火  
入井國大亂人飢道上多死土守之大旱不熟出  
入之雷三十日已止有亂兵起東北若久雷不出  
天下無主水守之王法相尅水入之大水爲灾金

入之二十日已上天子易政兵起天下大亂○客入之有水旱秦地災

水火木金於井入內有兵喪期一年○五星凌犯及乘守芒角相連環繞成勾已三軍大破國憂兵明君出狩大荒人飢死○彗孛行犯之其分兵起易政○鉞星不欲明明則大臣犯罪去井二寸若遠則兵起斧鉞動大亂鉞星大或動有兵小則兵罷○月暈井大凶

井宿總叙

管窺輯要

卷之四十四

五

東井八星一日天府一日東陵一日天井一日天關一日天門一日天梁一日天亭一日天候一日天齊一日天平井星也主水泉亦爲天之南門日月五星貫之爲中道又主酒食女主之象主諸侯帝戚三公之位爲天之亭侯主水衡法令之所取平也三光行不由其中道爲天下無道經之不得畱之王者心正則井星正井星正而明則法度正今明明大盛則多風雨有大水暗小不正則國弱正亂搖動變色則諸侯帝戚有廢戮三公受殃移

徙則國亂憂洪水爲災鉞一星附井口第一星邊  
二寸主伺淫奢而斬之不欲其大明大明則鉞鉞  
用兵起動搖芒角則大臣多死于法者星亾則天  
下大水

日月變異占

日在井食雍州大旱人流千里甘氏曰秦邦不臣  
食盡則謀成不盡則謀不成戒之在供養之臣陳  
卓曰女主憂國內亂苛政行武氏曰陽弱失地食  
盡則天下大旱○日暈於井多陰雨大風

管窺輯要

卷之四十四

六

月食于井大臣有謀皇后憂五穀傷陳卓曰國內  
亂有兵喪乙巳占曰水衡五祀之官有憂大臣誅  
食盡兵起○月食在井鉞中人流千里○月暈於  
井海中占曰胡兵起郝萌曰天下有兵又曰王者  
出遊來年旱後六個月丙辰大赦荊州占曰陰陽  
不和一曰國有憂事兵起人流○月暈圍井四月  
四夷不和一曰國有憂事兵起人流○月暈一重  
四夷不和二重三重陰陽不和○月以三月暈井  
井大水月以丑月壬癸日暈有內赦月暈井及鬼

其年旱禾不收○月行至井變色而青國有憂赤  
爲兵旱自有喪黑大水黃有風○月失行入井大  
風雨水爲災○月宿井而霧有水患○月宿井行  
北北夷大飢國亂○月行井南南夷國亂

月五星干犯占

月犯井刑政不平兵起人主憂乙巳占曰將軍死  
一曰多風雨大水爲災一曰歲荒人飢一曰水官  
有出者○月犯井左右星女主憂○月水火入井  
諸侯貴人死荆州占曰有兵○月食在井內亂以  
管窺輯要 卷之四十四

七

日占國○月亂鉞大臣誅斧鉞用內亂兵起有拔  
城流血破軍殺將

歲星守井法令多獄事守之七日天下和平至二  
十日天下更改有水災五穀傷有土工一曰秦亂  
國守其北多暴雨石氏曰水守井河水溢黃帝占  
曰大飢人疾病鄰誦言人死多病有喪一曰將相  
死人爲大旱荆州占曰道上多死人一曰萬物不  
成久守之金錢易天文志曰禍成○井五星守之  
皆爲有兵喪乙巳占曰水守畱井其國以兵致天

下○木守井環繞成勾已有赦木入井黃帝占曰  
有軍在外○歲星進則兵退星退則兵進郝萌曰  
歲星入東井二南一北侯王憂一曰害黍稷又曰  
天下有土工川瀆之事雷之二十日巳上易政朔  
一曰木入井歲飢人病乙巳占曰木入井秦國凶  
武氏曰易治天下○木犯井中乘之陳氏曰三者  
法令急多獄事其年大水人飢天下改令郝萌曰  
其國内外有兵起乙巳占曰人主有汎水之事大  
將惡之有内亂○木乘井而守之人主有法令永  
管窺輯要

卷之四十四

七

中之事逐臣爲亂將軍死人主憂○木犯凌井其  
角相連環繞成勾巳兵大起國君出走人民十死  
其九五星同占○木舍井若居東五穀不成居南  
國君病諸侯多死居西小兒多死居北有改令○  
木出入畱舍井二十日天下有水井一國○木逆  
行井石氏曰有兵陳卓曰刑壅塞郝萌曰人君出  
入不時木犯一同○木犯中乘凌井守井鉄鉞用  
大臣誅一曰賢相死近臣爲亂兵起

熒惑守井三日貴臣相戮守二十日巳上中宮有

大災滿六十日有大水魚行人道貴相死郝萌曰  
火守井百出皆溢石氏曰米貴天下名水有絕者  
大旱大魚死巫咸曰有逐王郝萌曰萬物不成一  
曰天下以軍自守一曰火守井南王后死守其西  
太子死守其北諸侯有死者久死守之其分民多  
死○火守井已上成勾巳角動色赤黑貴人死北  
川溢兵起若環繞成勾巳之起兵者事成○火中  
犯乘井有兵陳氏曰有以家事巫罪者天文錄曰  
天子以水敗荊州占曰先起兵者殃後起兵者昌

言窺輯要

卷之四十四

九

李筮曰將死郝萌曰火犯井南后死○火入井石  
氏曰旱其國亂有兵兵止無兵兵起大臣當之甘  
氏曰有疾令黃帝占曰牛大疫兵器貴一曰山水  
海水溢國失火有逃凶先起兵者戰不勝○火入  
井有赦○火入井中國守之天子宮中失火大苙  
角疾行入井十日將死三十日君死○火入井大  
白隨之成勾巳天下兵起天子坐之黃帝占曰火  
出北河界至井干一二星將軍有野死者干二星  
內臣有市死者○火逆行井貴人死傷有火災○

火經井中而南出天下易主海中占曰火行井上  
二丈將軍死○火行井上曜常行之道而畱守之  
其國內亂一曰辰占何國○火出入畱舍井三十  
日不下有破國死主○火犯守井大旱五穀不成  
黃帝占曰有水石氏曰不出一年  
鎮星守井大旱五穀不成黃帝占曰有水石氏曰  
不出九十日有赦郗萌曰有土工甘氏曰有水人  
多病一曰民飢久守之金錢易守其陽旱守其陰  
水國君死以日入占國守之二十日兵起六十日

管窺輯要

卷之四十四

三

國破○土舍井黃帝占曰有賜爵祿者畱之三十  
廿不行人災○土入井石氏曰大臣憂荊州占曰  
天下無主天文錄曰兵起東北○土入井居其中  
旱土星出乃雨○土入井行陰爲大水五穀不成  
○土逆行井女主不能奉祭祀○土出入畱舍井  
三十日不下石氏曰水大出人流死六十日不下  
兵起有破國死君○土守犯井鉞王者惡之一曰  
大臣誅兵起

太白犯井海中占曰人主浮船石氏曰將軍惡之

乙巳占曰金犯乘井皆爲國內亂兵起○太白入井石氏曰國失破大臣爲亂兵大起天子以兵自守郗萌曰先起兵者敗天下大水荆州占曰將軍有戮死又曰政急民流諸侯有卒兵一曰臣有謀上者大臣常有災○太白入井中二十日以上天下易政一曰六畜疾兵大起○太白守井黃帝占曰木災一曰米貴將相死兵起石氏曰旱巫咸曰君失政大臣爲盜有誅大人忌之一曰萬物不成有大災郗萌曰兵起東南石氏曰太白守井十日

管窺輯要

卷之四十四

三

不下大人坐之三十日不下神水出歲多土工郗萌曰太白守井一東一西一南二北男不得耕女不得織○太白犯凌乘井而守之大將誅兵起○太白逆行井有反臣國易政兵大起秦地大殲○金犯守井缺鉞用大臣誅內亂兵起

辰星入井天下水災春秋文曜鉤曰蠻夷君有死者邊兵起期一年一曰有亂臣馬貴星進則兵進星退則兵退○水入井中守之天下易政○水犯

井馬暴貴有大臣憂石氏曰刑法不平歲大惡郗

明日胡兵起天文錄曰辰星進則兵進星退則兵退○水犯守井角動色赤黑爲水起兵色黃潤天子有喜令色惡大人憂○水守井黃帝占曰大水百州皆溢石氏曰歲早早晚水又曰法臣相戮一曰胡兵起感精符曰辰星守井去之七寸守七日已上至十五日天子殺大臣郗萌曰五穀萬物不成金錢易一曰五穀霜死歲大惡其分尤甚一曰其國大人惡之○水出入東井有亂臣○水逆行天下名水有絕者水受期不朝東井五穀不登○

管窺輯要

卷之四十四

五

水犯守井鉞用大臣誅兵起水災穀不成收

井宿去極度數考

按井宿本位居未次秦雍州之分凡三十四度六月旦在卯七月旦在辰八月旦在巳九月旦在午十月旦在未十一月旦在申十二月旦在酉十一月昏在卯十二月昏在辰正月昏在巳二月昏在午三月昏在未四月昏在申五月昏在酉

井八星三十四度距西扇北去極六十九度半入井初度天之南門黃道所經爲天子亭主水衝

法令水衡卽今工部都水虞衡司又爲天子府甘  
德曰井在河中主泉水日月五星貫行中道石申  
謂之東井亦曰天井主諸侯帝戚○井在南河北  
河分夾之故井位居東謂之東井今井屬南方者  
以合次言如南斗名曰南斗而屬北方箕亦曰南  
箕而屬東方類諸侯列國君帝戚王者外親又主

三公位解見前

占曰井明大則封侯建國搖動諸侯憂貴戚廢三  
公帝師黜天官書云井有風雨之變王者用法平

管窺輯要

卷之四十四

三

則井明而端列月宿井有風雨又曰日月食五星  
犯大臣謀亂中有六星不欲其明明則水災彗孛  
守諸侯國謀叛兵起

鉞一星去極六十七度入參八度附井之前爲附  
座主伺奢滌法禁鉞者斧也伺候也奢華侈也滌  
荒佚也

占曰鉞星微小吉明大搖動與井同大則天子用  
鉞誅大臣金火守大臣因兵事受誅

南北兩河各三星南河距東大星去極八十三度

入井二十一度北河距東大星去極六十一度半  
入井二十度分夾井宿夾持護也○曰天高天之  
闕門主關梁南河曰南戒一曰南宮曰陽門一曰  
越門一曰權星主火北河曰北戒一曰北宮一曰  
陰門一曰胡門一曰水衡主水越門主南越胡門  
主北胡濑清考漢書越不止南又有北越胡不止  
北又有東胡既曰越門胡門總一出入東西南北  
俱有胡越查胡虜有八十餘種夷狄有三十餘種  
胡越持總名耳○兩戒之間三光常道是謂帝闕

管窺輯要

卷之四十四

丙

亦曰天街兩戒乃南界北界唐一行云天下山河  
之象存乎兩界觀兩界之象與雲漢之所始終而  
分野可知南戒自弘農弘農縣名漢武帝置弘農  
縣於函谷關卽今陝西靈寶縣也荀卿所謂秦有  
崑崙之塞是也唐爲虢州弘農郡函谷關名其谷  
似函故以爲名道狹車不得方軌號曰天險在弘  
農縣衝領山今屬陝州○絕江漢絕斷也言斷自  
江漢也江水始出岷山皆禹貢云三江旣人震澤  
底定岷爲大江至九江爲中江至徐陵爲北江所

謂三江常璩曰漢水有兩源書禹貢所謂嶓冢導  
漾東流爲漢者此東源今西縣是也其西源出隴  
西嶓冢山會泉始源也曰沔經葭萌入漢者爲西  
源今三泉縣是也酈道元謂東西兩源俱出嶓冢  
而同爲漢水者○南達五嶺達通也五嶺說不同  
一曰白茫在道州汪華縣西亦名茫渚二曰永明  
在道州三曰大庾在南安府大庾縣四曰監源在  
源州五曰獵嶺在桂陽郡又曰一大庾二始安在  
昭州平樂縣三監賀在賀州四桂陽在彬州五揭  
管窺輯要

卷之四十四

陽在潮州揭陽縣又南康記云一大庾二桂陽甲  
盼嶺三九真都籠嶺四監賀萌續嶺五始安越嶺  
又文獻通考云一大庾嶺卽塞上嶺也二騎田嶺  
今桂陽郡獵嶺也三都籠嶺今江華縣永明嶺也  
四暎渚嶺亦江華縣白茫嶺也五嶺越嶺今始安  
郡北零陵郡南監源嶺也西自衡山之南窮于海  
一山之限也今並錄以備考○循漳西循遵也言  
遵漳水之西今福建漳州府之西屬地○東抵嶠  
越抵當也嶠越唐劍南道嶠越郡今廷平府是也

東甌古有東甌城今建寧府是也○以爲南紀爲  
陽國主禮樂之政禮有五禮樂有六樂禮者習於  
度數之節文所以教之中也樂者明於聲音之高  
下所以教之和也備在禮經不及錄○北戎自首  
陽音陽山名在山西河中府一曰在遼州壺口今  
山西吉州有壺口山書禹貢謂既載壺口○絕上  
紀絕斷也上紀成紀也今秦州屬地或曰上紀卽  
上郡今綏德州地屬是○北負微垣負背也言背  
微垣崔豹古今註云塞者所以擁塞夷狄也西北

管窺輯要

卷之四十四

美

曰塞東南曰微○東抵濊貊抵當也濊貊本東胡  
地屬朝鮮亦曰薺州南按辰韓北按高句驪東窮  
大海西至樂浪漢武帝元朔元年濊君南閭等叛  
朝鮮率二十八萬口詣遼東內屬地帝以其地爲  
滄海郡朝鮮箕子封朝鮮今遼東分野邊界屬○  
以爲北紀爲陰國主攻伐之政孫子曰用兵之法  
十則圍之五則攻之言以十敵一則圍之以五敵  
一則攻之又曰火攻有五火人火積火輜火庫火  
隊也漱清考自古火攻不止五若孫臏之滅竈田

單之火牛皆誘兵以奇勝非以正用也若後漢諸葛亮之火攻最有節制紀律者是通奇門六壬太乙加以善翻禽倒將之術料敵不爽也非若今之神棍巧烟火侑食侑酒之具以愚當事當事竟信其愚誠爲可笑

占曰南主蠻夷北主胡夷兩河動搖則中國兵起兩河不動華夷兩寧南星不具則南道不通北星不具則北道不通金火守中國兵起又云動則胡夷爲變彗孛犯守兩河則蠻夷胡夷大亂中國

管窺輯要

卷之四十四

七

天罇三黑星距西去極六十八度入井十六度在五諸侯南主盛饘粥給酒食之正孟子曰三年之喪齊疏之服飭粥之食周禮天官冢宰有酒正掌酒之政令一曰主給貧餒餒飢餓也乃賑濟之食占曰天罇居常明大動搖則旱澇飢荒賑濟行不見則國無賑濟人民飢死道路相望居常吉

五諸侯五星距西北去極五十六度半入井六度在東井北近北河一曰帝師漢張良以三寸舌爲帝者師周文武師呂望○二曰帝友舜有七友並

爲歷山雷澤之遊一雄陶二方面三續牙四伯陽  
五東不訾亦曰東不識六秦不虛亦曰秦不空七  
靈甫漢光武有嚴光之友○三曰三公解見前○四

曰博士古者有五經博士十五人旗儲孟喜梁丘  
賀京房歐陽生夏侯勝夏侯建齊后倉魯申公韓  
嬰毛萇戴德戴聖顏彭祖顏安樂○五太史曲禮  
云天子建天官先六太典司六典一太宰二太宗  
三太史四太祝五太士六太卜周有太史佚○又  
大夫漢爵二十級內有大夫官大夫公大夫五大

管窺輯要

卷之四十四

天

夫唐文官散官有二十九階內有光祿大夫金紫  
光祿大夫銀青光祿大夫正議大夫通議大夫甲  
大夫奉中大夫中散大夫朝議大夫朝請大夫朝  
散大夫此五者常爲帝定疑議又曰主刺舉戒不  
虞解見前又曰主治陰陽察得失三公調理陰陽太  
史審究得失

占曰五諸侯明大潤澤大小齊等則國福主天下  
大治苾角天下相猜忠良不用葦亭守國亂兵起  
積水一星去極五十四度半入井一十八度在北

河北水官所以供酒用一曰給酒食官又主水災  
水官卽今光祿寺官因有天樽故主酒官也星名  
積水故主水災

古曰積水不見主水災彗孛犯酒有酖毒

積薪一星去極六十五度半入井二十七度在積  
水東主備庖厨用烹飪事飪者烹調生熟之節

占曰積薪明人主安享火守積薪庖厨中有火災  
水府四星去極七十六度入參七度在井西南

水官主隄防溝洫事水官卽今工部都水司官周

管窺輯要

卷之四十四

无

禮地官之職凡治野夫間有遂人之職九夫爲井  
井間有溝百夫爲成方十里成間有溝洫深廣  
各八尺

占曰水府明大則江河泛溢不見則塞壅關梁不  
通土犯則水道阻

水位四星距西去極七十三度半入井一十八度  
在井東主水衡又主水瀉溢瀉注也溢滿也言水  
注滿而溢流

占曰水位移入北河則國沒爲江河水土守百川

四瀆四黑星距西南去極八十六度入井二度在井南南河裏爲江河淮濟之積江瀆源出岷山今松州廟在益州建寧縣河瀆源出崑崙今西域廟在河中府龍門縣淮瀆源出桐松山今唐州廟在唐州桐栢山濟瀆源出王屋山今孟州又曰出玉聖山廟在河陽濟源縣蓋瀆者獨也言皆獨源注于海者

占曰四瀆明大則水泛溢

管窺輯要

卷之四十四

三

軍市十三星如錢狀距西去極一百零七度半入井初度在南河下參南乃天軍貿易之市貿易言交相換易處

占曰軍市居常吉客守有好聽軍情者金火守則軍大飢彗孛守則天下盜賊侵行標掠亂市兵起野雞一星去極一百零九度半入井四度在軍市中知變怪虞伏姦格物論云山雞鷄鷄也亦名曰錦雞漢呂后名雉因改名曰野雞左傳昭公十七年剡子曰雉有五雉曰鵠雉曰鷩雉曰鷮雉曰翬

雉虞憂也伏潛

憂防潛伏姦邪人

古曰野鷄如常天下寧也刺奸邪狗盜擾亂市民  
客守奸邪伏市潛營探聽軍情爲奸金火守兵起  
葦宇守盜賊滿野天下不寧○漱清考野雞乃野  
外寇盜侵掠百姓禦奪人財物者乃竊鈎類非竊  
國類至秋八九月觀野雞狼星凶角動搖每每有  
驗

孫星二黑星距西去極二百二十五度人井六度

在子星東主孝愛侍丈人相持而居孝經云愛敬

管窺輯要

卷之四十四

三

盡於事親又曰因親而致敬大學云孝者所以事  
君也孟子曰事孰爲大事親爲大又曰班白者不  
負戴於道路矣俱孝愛相持意

古曰孫星如常吉不見則有灾

子二黑星距西去極二百二十五度入參九度在

丈人東古主與孫同

丈人二黑星距西去極二百二十八度入參四度

在軍市西南主壽考而哀孤惇老人之象又曰主

壽考之老臣丈人老人之通稱書洪範云九五福

一曰壽言人有壽而後能享福五曰考終命言順受其正也

古曰丈人星明則老臣多壽天下老人亦有壽不見則天下老人多死

闕丘二黑星距東去極九十一度半入井十五度在南河東主象魏天子之雙闕諸侯之兩觀所以別尊卑象魏解見前雙闕乃左右闕兩觀東西觀易云上古穴居而野處後世聖人易之以宮室上棟下宇以待風雨自漢以來天子獨稱為宮闕諸侯稱為宮所以別尊卑觀者樓上也

管窺輯要

卷之四十四

三

古曰闕丘居常吉土木守有修作事金火守有火灾客守奸細入闕門葺亭守兵戰闕下大亂宮中弧矢九星距西南去極一百二十三度入井十一二度在狼星東南天弓也外一星矢也常向狼主備盜賊行陰謀易繫詞云弦木為弧剡木為矢弧矢之利以威天下弦直也剡利也又曰主伐叛懷遠言征伐反叛之國懷柔四遠之人

古曰弧矢大而齊明潤則天下寧失常盜賊蜂起

屈曲則夷狄來服青黑國憂弧矢引滿君臣相謀  
天下兵起芒角海內兵起弧不張矢不直盜賊橫  
行狼弧張害及胡天下乖亂又曰弧矢張天下盡  
兵弧矢擬射頑狼胸僅對狼星者天下無盜賊不  
對盜賊滋繁

狼一星去極一百零七度半入井一十度在井東  
南爲野寇盜賊主殺掠野寇言盜賊潛隱山林出  
沒不時擄掠人財禦奪人貨者澈清考野寇盜賊  
者如梁山宋江類非穿窬小賊

管窺輯要

卷之四十四

三

古曰狼星色欲黃白無光芒不動搖則天下寧居  
光芒四張動搖變色天下盜賊滿野擄掠百姓明  
盛則海內兵起動搖胡兵大起躁怒則盜賊出入  
無禁忌白芒則白衣之徒聚天下有兵赤則尤甚  
金犯赤芒四野兵起狼移徙則人相食狼爲盜賊  
奸寇弧司其非故注矢以對之矢直則狼不敢動  
盜賊不起若弧不張矢不直則賊盜橫行弧矢動  
搖則盜賊多

老人一星去極一百四十三度入井一十三度在

弧矢南主天下壽嘗以秋分之際候之南郊見則  
治安天子壽一日南極此言極者非樞機也蓋以  
其所處在於極南近地故也宋中興天文志云南  
極老人司天下人壽蓋北極在艮丑南極在未坤  
南極入坤地三十六度不可見故其精神出地以  
見乎南謂之南極老人然其出地亦不甚遠故隱  
不常見則爲祥其勢位等威與中斗相埒以轉上  
帝故雖在井分井不得而司埒環也愚按中斗諸  
書不載考之北斗卽中斗引天官書曰斗爲帝車  
管窺輯要 卷之四十四 五

運於中央監制四方居極之南自北而觀之故曰  
北斗

占曰老人星常以秋分後五日旦見丙方春分前  
五日日見於丁方明大潤澤天子壽昌天下人亦  
壽不見主天下多疾疫

井宿雜座

南河北河

南河北河各三星分夾東井一日天高一曰天亭  
天之關門也主關梁南河曰南城一日南宮一日

南紀一曰陽門一曰南門一曰越門北河曰北戍  
一曰北宮一曰北紀一曰陰門一曰北關一曰胡  
門南河戍爲權主火一曰南戍北河戍爲衡主水  
一曰北戍南戍間爲天中道七曜之所常行行而  
過之則吉不得久畱則殃咎生焉南河星明則天  
下安不明則四夷交侵動搖則邊兵大起星不具  
則有大道不通南星不具則南道不通北星不具  
北道不通

月入南北河戍門天下人疫南戍爲中國北戍夷  
管窺輯要 卷之四十四 三五

狄之國月行南河戍中若犯之兵起中國凶大旱  
人疫男子多死月行北河戍中若犯之兵起夷狄  
凶大水人疫女子多死○月出天門中道之南大  
臣憂天子惡之○月出天門中道之北狄王死月  
暈南北河有土工月行南河戍南刑法峻急誅罰  
不當兵起且大旱月出天門中道之北而行北河  
戍北入君失道奢侈貪滯自恣兵起大旱近期三  
年遠九年灾禍至○月入北河冠帶之國兵盡起  
歲星行南河戍中四方兵起百姓疾病○歲星彗

南河戍若出其南中國起兵○歲星乘南河夷狄  
兵起邊界有憂有旱災人飢○木星畱守南河戍  
中爲喪人病男子多喪出北河若乘北河戍爲女  
子喪乘北河戍若出其北狄王死○木星守北河  
狄兵動若守三十日不下狄王死狄人敗天下大  
水人飢不出二年○木星守北河邊臣有以罪死  
者○木星守兩河天下離隔道路不通○木星入  
北河戍天下有覆囚移繫一曰大臣誅

熒惑行南河戍中大旱四方兵起民疾病○火星

管窺輯要

卷之四十四

五

中犯乘守南河戍天下兵盡起大旱大疫男子多  
死守之二十日至三十日國有男喪荊州占曰火  
星守南河兵起守之三十日以上百川皆溢五穀  
不成大旱災鄒萌曰火星守南河戍大國主重不  
吉子伐父有旱火之灾石氏曰火星守南河蠻夷  
兵起邊戍有憂人飢玉曆曰以火爲害火星守南  
河之西星水菓不實蝕其西星有兵蝕其東星天  
下大戰○火星逆行犯守南河國有喪人主當之  
火星逆行犯守北河國有喪人主當之○火星入

北戍中去臣有盜職者若畱止之天下兵悉出○  
火星入北河戍從西人六十日有喪從東入九十  
日有兵○火星守北河戍狄兵大起人境若守之  
二十日狄兵敗○火星守北河戍大國女主重不  
吉天下大水人飢不出其年○火星守北河環繞  
之成勾已狄王死○火星守天闕日月之門人主  
絕祀以入日占國大喪內亂○火星舍北河戍二  
十日國有女喪○火星舍北河戍天下有覆獄移  
繫一曰大臣誅○火星舍兩河間畱二十日河關  
管窺輯要 卷之四十四 七

不通諸侯逆命畱三十日百川皆溢兵起天下困  
穀不登天下中隔不通○火星舍南闕下爲飢○  
火星出北河戍守北河若環繞之邊將有不請命  
而伐夷狄者勝火星行北河戍北去北戍三丈當  
復發千人以上去北戍二丈復發萬人以主去北  
成一丈城閉道無行人○火星蝕北河西星人相  
食蝕其東星五穀不實兵起

鎮星守南河兵起道不通蠻夷兵起邊戍有憂旱  
災人飢○土星守北河戍西五穀不實○土星守

天門天下道路不通○土星守北河夷狄兵動若  
守三十日不下狄王死狄人敗天下大水人飢不  
出二年○土星守兩河戍有賜爵祿不出六十日  
有赦有土工事○土星乘南河出其南中國旱民  
灾出其北北狄灾○土星行南河戍中爲旱人疾  
疫有男子之喪○土星出北河戍北若乘之狄人  
死有女喪有大水

太白守南河天下難起道不通蠻夷兵起邊戍有  
憂旱灾人飢一曰邊臣有謀諸侯兵起君憂敗亾

管窺輯要

卷之四十四

三

太白守北河戍邊戍有謀兵起關梁不通主憂期  
一年鄒萌曰有內謀有白衣之會四夷相伐狄兵  
動守之三十日不出狄人敗狄王死天下大水大  
飢不出其年○太白畱止南河戍中旱人疾疫  
有男喪畱之三十日有奸謀太白舍南河戍三  
日百川皆溢太白乘南河戍若出南河中國兵起  
○太白乘北河戍若出北河北皆爲狄土死若畱  
北河戍中三十日必有自來之王將其民降中國  
畱之過三十日四夷大亂太白從南來南夷當之

東西北亦然○太白行南河戍中若畱止之爲畱  
方兵起大疫○太白犯南河臣有謀若兵起夷狄  
君憂○太白舍北河戍三十日國有女喪太白畱  
止北河戍下中國之兵所向皆勝太白入北河戍  
中而畱止不出百日天下之兵悉起並戰金火俱  
在天關中有大事有分國○太白行兩河中道不  
去而守之天下離隔不通出陽門中爲旱爲疾出  
陰門中爲水爲兵

辰星守南河戍兵起蠻夷亂邊城憂有旱灾人飢

管窺輯要

卷之四十四

堯

○水星畱南河戍中爲兵起西方水行南戍中若  
畱南戍爲旱爲飢爲疾水星守北河夷兵起邊臣  
有謀若畱止天下兵大起○水星出北河戍聞而  
畱守之狄兵人以敗去○水行兩河天門中不去  
而畱守之天下有難道不通天下乖離○水星乘  
犯南河戍出其南中國有兵

客星出南河戍有男子喪於外人南河戍有男子  
喪於內客星出南河蠻夷兵起道不通○客星入  
南河大旱人飢○客星出北河戍狄兵動關河塞

有憂北河戍多星民不治將失職狄爲暴○客星  
守南河民多瘡病○客星入北河有大喪於外有  
水災人飢從東入九十日有兵從西入六十日有  
喪客星入北河諸侯有奸謀有狄兵○客星守北  
河大水狄爲暴奸臣在中后有乳疾○客星守兩  
河戍若犯之天子出走大臣執戍天下有難客星  
見兩戍間奸臣在內○赤星守北河戍臣賊主大  
臣誅

流星犯南河蠻夷兵起防戍有憂一曰有喪旱○

管窺輯要

卷之四十四

旱

流星入南河兵起人飢客星抵兩河間天下大飢  
○流星入北河爲水爲飢一曰狄兵入中國關梁  
不通○流星絕兩河間天下有難道路不通

彗孛出南河蠻夷起兵邊戍有憂若關更有罪者  
○彗孛出北河戍狄兵起邊城憂○彗孛守南河  
大旱○彗孛守北河大水狄兵入中國以敗去

蒼白氣入兩河戍間兵大起道不通出之則禍除  
○蒼白氣入北河邊兵動又爲疾病狄王死○黃  
白氣入河戍間隨河行天子出德令逆河行客來

和親○赤氣入南北戍間天下有難道路不通○  
赤氣出兩河間天子用兵於諸侯

積水

積水一星在北河北一名聚水主聚美水以給天  
子酒宮其星明則天子安宴享禮行不明則五穀  
不登宴享禮廢徭役繁多人民憂明大動搖則河  
海決溢津梁不通一曰星明則水大出則滄邑

五星犯守積水有水災水動不成水兵起魚鹽糶  
貴人飢○火星入積水若守之旱且水至咸曰大  
管窺輯要

卷之四十四

望

臣誅

客星犯積水兵起天子宮門宗廟不祀大臣憂○  
客星出積水天下水溝爲穴有土工隄防之事不  
出一年

星抵積水若入之有大水舟楫用人大飢○彗  
孛犯積水兵起宮門宗廟毀絕大臣憂○蒼白氣  
八積水天下水災

五諸侯

五諸侯五星在東并東北近北河一曰帝師二曰

帝友三曰三公四曰博士五曰太史主爲天子定  
疑土官也主中舉戒不虞又主扶顛持危發奸摘  
伏察陰私隱匿之事星欲其均明明大潤澤大小  
齊等則王者吉昌輔臣忠正差戾不明則忠良屏  
斥上下相猜動搖則王者不安天下憂五諸侯生  
角則禍從中起移徙則外牧傷天子避公卿逃五  
諸侯不見貴人有謀主者五諸侯赤則歲豐暗則  
歉

月犯五諸侯諸侯有誅死者

管窺輯要

卷之四十四

三

五星中犯乘守五諸侯諸侯死以所中命之期三  
年○五星入五諸侯兵起伺其出日數之期二十  
日發兵又以始入日數之率一日期十日兵罷凡  
入列宿皆如此期之

歲星犯五諸侯兵大起將士出諸侯有憂○歲星  
守五諸侯臣有謀主者議臣不忠若以罪黜木星  
中犯乘守五諸侯諸侯有以兵死者

彗惑守五諸侯人主愚弱諸侯有奪地誅死者○

火星犯五諸侯若守之兵大起諸侯憂有兵死者

期三年○火星逆行犯五諸侯秦國不可興兵先  
起者亾後起者昌火星犯五諸侯大臣誅反事不  
成

鎮星犯五諸侯若守之兵大起將士出諸侯有死  
者土星中犯乘守五諸侯所中者殃  
太白辰星中犯乘守五諸侯兵大起諸侯有死於  
兵者金星犯五諸侯先舉兵者敗亾

客星犯五諸侯王室亂天下兵大起宗廟不祀○  
客星出五諸侯大臣有憂執政者有罪議臣有黜

晉鏡輯要

卷之四十四

星

者○客星守五諸侯天子親屬失位大水五穀大  
貴民路死秦地尤甚荊州占曰諸侯亾地秦地天  
殃○赤星守五諸侯天下大亂

流星入五諸侯有大喪以星入日占其國○流星  
出五諸侯諸侯有反者其星中散絕諸侯坐其殃  
咎

彗孛犯五諸侯兵起王室大亂天子宗廟不祀一  
曰州牧反西方諸侯失上執政臣誅若有被誅者  
貴人當之人主有憂遠不出五年○彗星出五諸

侯兵起廟廊之中一曰九合諸侯牧守皆反  
蒼白氣入五諸侯諸侯有黜死者

天鐫

天鐫三星在井北五諸侯南主盛饘粥以給貧病  
其星明則吉暗則凶○五星犯守天鐫民飢

積薪

積薪一曰在積水東聚薪也以給享祀供庖厨其  
星欲明明則五穀熟享祀修庖厨足不明則庖厨  
空虛天下旱歲不登人飢國憂積薪不明君臣不

管窺輯要

卷之四十四

四

樂宗廟不享積水積薪相去五尺以內則天下和  
平五穀豐相去一丈以外天下飢荒人民流亾○  
五穀犯積薪若守之五穀不成民飢流亾○木星  
守犯積薪大旱人飢金水守犯積薪兵起○火星  
守犯積薪大旱川易道庖官以火爲憂五穀早傷  
客星守犯積薪有亂臣在宗廟○流星抵積薪厨  
官憂之天下以薪蒿爲憂○客星出積薪有以薪  
蒿之事致罪者

善享犯積薪有好在宗廟赤星入積薪火焚積聚

水府

水府四星在東井西南水官也主設隄以備水其  
星明大異常則有水災他星犯之占同水位

水位

水位四星在東井北西南列主水衡以洩滯溢水  
官也星贊曰水位四星瀉溢流石氏曰衡平尚水  
水平而後流其星微小如常則雨澤時天下平安  
明大則大水橫流五穀不登民以水飢變色失常  
則兵水俱起水位土近北戍則國沒爲河以變起

管窺輯要

卷之四十四

星

日占國

五星犯守水位天下以水爲害津梁阻塞一曰大  
水入城郭傷人民期二年○五星守水位出其北  
大水出其南大旱○火星守水位下田不位

客星守水位百川泛溢客犯水位大水河決水道  
不通水賊兵起水官憂一曰臣下有謀兵起期三  
年○客星犯水位水道阻塞有伏兵在水中以水  
爲害若在水位臣下有謀兵起

流星入水位天下有水河溢流五穀不成天下大

飢人流亾○流星出水位色青黑所之國大水色青黃所之地大旱

彗孛出水位天下大水五穀不登人民飢兵起○

彗孛犯水位水道不通有大賊以水為害天下大

水大飢流亾○黑氣入水位大水赤氣入水位大

旱

四瀆

四瀆四星在東井南軒轅之東江河淮濟之積也

其星明大搖則大水泛溢

管窺輯要

卷之四十四

吳

闕丘

闕丘二星在南河東天子之象魏其星動搖宮闕

間有變○金火守闕丘兵戰闕下○客星出闕丘

宮闕之間有奸臣有賊○彗孛出闕丘天子離其

宮闕一曰宮闕之中有兵大起彗孛犯闕丘帝王

滅○赤氣入闕丘宮中火災天子不安其居

軍市

軍市十三星如錢狀在參南天軍貿易之市水宮

也軍市中小星眾則軍食足少則軍乏糧市空則

士卒離叛

月入軍市兵起人主憂○五星入軍市天下以飢起兵若守之軍飢士卒逃散

客星入軍市軍中有刺客○客星出軍市軍中大飢將走士卒逃亡無軍在外客星出入軍市兵起○流星入軍市大將出○流星入軍市軍無糧食散一日有客使軍中以五色占其所從來○彗字出軍市大兵起大飢兵乏糧米士離散軍民多死赤氣入軍市軍中大驚

管窺輯要

卷之四十四

星

野雞

野雞一星布軍市中主知變怪虞伏奸又曰野雞大將也主屯營軍之號令警急設備其星明大則將勇兵強不明則將弱士卒離散芒角動搖則兵起野雞野將也主兵野雞出市則天下兵相攻

以下至老人干犯占中屬抄本闕失

客星犯老人天下老人災兵起○客星入老人爲政不和入守之天下人疫兵起老人行客星出老人兵起老人不安○客星色黃潤光澤守老人是

譜扶老其國昌老人安

流星出入老人老人憂疾流星抵老人大兵起老者行○流星冲南極老人天下大安風雨順時天子昌壽

彗孛出老人人主受殃老人不康○白氣掩入老人王國絕

### 天狼

狼一星在井東南主殺掠一曰天陵主南夷主盜賊金官也其星色欲黃白無光芒不動搖則天中

管窺輯要

卷之四十四

星

寧色赤而大光芒四張動搖動變則天下亂兵大起盜賊橫行百姓憂危狼爲盜賊弧爲弓以備盜賊故弧常射狼矢端直則狼不敢動而盜賊不起狼星搖動則狄兵大動人主不居其宮操怒則人主好馳騁狼又主羊犬狼星易處則天下大飢兵滿野狼星白芒則白徒聚天下芒角則多盜賊色赤則兵大起色黑則國有憂

月犯天狼外夷相謀月暈狼派兵起○五星犯守

天狼兵車滿野盜賊塞路一曰狄兵入中國一曰野獸犬多死大將出行其國有兵以入日占之一曰有死將多盜賊人主憂

火星守犯天狼諸侯相攻夷狄將死狄有自反其主者○火星守天狼天下發兵將軍有千里之行若日環繞之大人憂太白占同

客星守天狼夷狄來降郅萌曰邦失大臣色赤者得色青黑者凶若犯狗大貴荊州占曰有圍城以入日占其何國客星出天狼若守之天下兵起多管窺輯要卷之四十四

兕

盜賊將相有千里之行遠不出三年  
流星抵天狼兵大起大將有千里之行將軍有死者○流星抵天狼破之秦國有殃先起者凶期二年

彗星出天狼國有急兵大將軍有憂若守之有千里之行有大戰流血軍半死一曰天下盜賊起有白衣之會○赤星入天狼狄兵入塞民大恐憂

彗矢

彗矢九星在天狼東南天弓也以備盜賊狼爲奸

寇弧司其非常故注矢以向狼弧不張矢不直則天下盜賊橫行弧矢主備非常其星大而齊明色黃潤澤則天下息兵變色非常則天下兵起弧主武官弧張迎戰者不勝弧動先用兵者吉後起者凶狼旗七星屈曲則夷狄可攻狼旗者弧也洛書曰狼弧張害及胡又曰黑帝之亾也狼弧張弧色青黑國有大憂弧矢引滿則君臣相謀天下兵悉起忿怒則天下交兵矢不直則盜賊不禁

月行入弧矢臣踰其主○月暈弧矢及狼星兵大

管窺輯要

卷之四十四

辛

起狗多暴死人相食○五星守犯弧矢貴人多死大將有千里之行守之兵大起多盜賊以入日占國郊萌曰糴大貴人飢有兵戰國大驚

客星入弧矢南夷有來降者亦爲蜀○客星守弧矢野將死石氏曰主將弱外夷大飢有兵若弧星張則先起兵者利後起者不利○客星出弧矢兵出入弧矢兵入巫咸曰客星出弧矢若入之其國有兵大人驚貴人多死士卒出行不出其年○客星舍弧矢秋雨五穀不收舍弧矢左右臣有伺其

君者

流星入弧矢天下兵起諸侯相攻弓矢貴秦負兵  
期一年流星入弧矢有屠城殺將○流星犯冲弧  
矢夷狄大起兵大動大戰流血

彗孛出弧矢弓矢大用國亂民驚盜賊橫縱○彗  
孛出狼弧間人主以侵欲起怨外夷反叛

赤氣入弧矢天下驚恐一曰狄入中國○黑氣入  
弧矢狄中疫作

鉞星

管窺輯要

卷之四十四

至

鉞一星附井之前不欲其明明與井齊則鉞加大  
臣○月五星犯守鉞星爲斧鉞用客星犯鉞星將  
卒死彗孛犯鉞星主易地一曰秦受殃

